

Broj: 04-38-4-4738-1/15
Mostar, 30. 10. 2015. godine

– **Univerzitet u Sarajevu**
Obala Kulina bana 7.
71000 Sarajevo

– **Univerzitet u Tuzli**
Ulica dr. Tihomila Markovića 1.
75000 Tuzla

– **Sveučilište u Mostaru**
Trg hrvatskih velikana 1.
88000 Mostar

– **Univerzitet u Zenici**
Fakultetska 3
72000 Zenica

– **Univerzitet Džemal Bijedić u Mostaru**
Univerzitetski Kampus
88104 Mostar

– **Univerzitet u Bihaću**
Ulica Kulina bana 2.
37000 Bihać

SVEUČILIŠTE U MOSTARU

Primljeno: 4. 11. 2015			
Org. red	Broj	Prilogi	Vrijednost
01	2001		

Predmet: Poziv za kandidiranje za dodjelu podrške najboljim studentima, državljanima Bosne i Hercegovine, koji studiraju na javnim visokoškolskim ustanovama u Federaciji Bosne i Hercegovine, dostavlja se

Poštovani,

Federalno ministarstvo obrazovanja i nauke dodijelit će jednokratnu podršku najboljim studentima, državljanima Bosne i Hercegovine, koji studiraju na javnim visokoškolskim ustanovama u Federaciji Bosne i Hercegovine, čiji je uspjeh ostvaren do kraja akademske 2014/2015. godine.

U skladu s Odlukom o provođenju postupka kandidiranja za dodjelu podrške najboljim studentima, državljanima Bosne i Hercegovine, koji studiraju na javnim visokoškolskim ustanovama u Federaciji Bosne i Hercegovine broj: 04-38-4-4738/15 od 02. 10. 2015. javni univerziteti/sveučilišta trebaju izvršiti izbor najboljih studenata te kandidirati po jednog najboljeg studenta za svoju organizacionu jedinicu, prema kriterijima koje je utvrdilo ovo ministarstvo.

Kriteriji koji moraju biti ispunjeni - eliminatorni:

- Studenti javnih visokoškolskih ustanova u Federaciji BiH;
- Mlađi od 25 godina na dan prijave na Javni poziv;
- Najbolji prosjek ocjena na dosadašnjem studiju;
- Nisu (bez opravdanog razloga) obnavljali godinu na dosadašnjem studiju;
- Podrška se ne odnosi na studente prve godine starog studijskog programa ili I. ciklusa studija po Bolonjskom sistemu studiranja.

Jedan fakultet, akademija ili pridružena članica mogu kandidirati jednog studenta/studenticu s najboljim postignutim uspjehom na dosadašnjem studiju.

U slučaju da dva ili više studenata imaju jednak prosjek ocjena, prednost ima student koji je tijekom studija sudjelovao u znanstvenom i stručnom radu i izvannastavnim aktivnostima.

Broj odobrenih stipendija/nagrada talentiranim studentima je jednak broju organizacionih jedinica/fakulteta, akademija i pridruženih članica na svakom javnom univerzitetu/sveučilištu u Federaciji Bosne i Hercegovine.

Pozivamo vas da, u skladu s odredbama teksta Odluke, prema kriterijima navedenim u ovom pismu, dostavite popis s imenima najboljih studenata kako slijedi:

R.br.	Javne, privatne i vjerske visokoškolske ustanove	Broj organizacionih jedinica			UKUPNO:
		akademija	fakulteta	pridružen	
1.	Univerzitet u Sarajevu	2	21	3	26
2.	Univerzitet u Tuzli	1	12		13
3.	Sveučilište u Mostaru	1	10		11
4.	Univerzitet u Zanic		8		8
5.	Univerzitet "Džemal Bijedić" Mostar		8		8
6.	Univerzitet u Bihaću		7		7
7.	Franjevačka teologija u Sarajevu		1		1
	Ukupno				74

U prologu ovog pisma dostavljamo tekst Odluke o provođenju postupka kandidiranja za dodjelu podrške najboljim studentim, državljanima Bosne i Hercegovine, koji studiraju na javnim visokoškolskim ustanovama u Federaciji BiH. Odluka broj: 04-38-4-4738/15 od 02. 10. 2015 .godine objavljena je i na internet stranici Ministarstva www.fmon.gov.ba

Za finansijsku realizaciju, uz popis-listu najboljih studenata potrebno je dostaviti sljedeću dokumentaciju:

- Ovjerena kopija osobne iskaznice studenta;
- Ovjerena kopija CIPS-ove prijave prebivališta;
- Ovjeren prosjek ocjena tijekom cijelog studija (akademski uspjeh);
- Potvrda banke o posjedovanju tekućeg računa u banci, s brojem transakcijskog računa banke (ne starija od tri mjeseca).

Očekujemo da ćete ovom ministarstvu dostaviti liste izabranih studenata s dokumentacijom potrebnom za realizaciju do 20. 11. 2015. godine.

S poštovanjem,

Prilozi, kao u tekstu

Dostavljeno:

- Naslovu
- Kantonalnim resornim ministarstvima



Broj: 04-38-4-4738/15
Mostar, 02. 10. 2015. godine

Na osnovu člana 56. I člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), člana 3. Budžeta Federacije Bosne i Hercegovine za 2015. Godinu („Službene novine Federacije BiH“, broj 25/15) i Odluke o usvajanju programa utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2015. godinu Federalnom ministarstvu obrazovanja i nauke („Službene novine Federacije BiH“, broj 40/15), federalna ministrica obrazovanja i nauke donosi

ODLUKU

o provođenju postupka kandidiranja za dodjelu podrške najboljim studentima, državljanima Bosne i Hercegovine s prebivalištem na području Federacije BiH koji studiraju na javnim visokoškolskim ustanovama u Federaciji Bosne i Hercegovine

I.

Ovom odlukom se otvara postupak kandidiranja za dodjelu podrške najboljim studentima, državljanima Bosne i Hercegovine s prebivalištem na području Federacije BiH koji studiraju na javnim visokoškolskim ustanovama u Federaciji BiH uključujući studente Fakulteta islamskih nauka u Sarajevu, Vrhbosanske katoličke teologije u Sarajevu i Franjevačke teologije u Sarajevu.

II.

Postupak kandidiranja provest će se na osnovu prijedloga dostavljenih od strane javnih univerziteta/sveučilišta s područja Federacije Bosne i Hercegovine.

III.

Podrška će se dodijeliti u vidu jednokratne pomoći - nagrade redovnim studentima državljanima Bosne i Hercegovine, s prebivalištem na području Federacije Bosne i Hercegovine, prema kriterijima utvrđenim Odlukom o usvajanju programa utroška sredstava s kriterijima raspodjele sredstava tekućih transfera utvrđenih Proračunom Federacije Bosne i Hercegovine za 2015. godinu, Federalnog ministarstva obrazovanja i nauke studentima koje će predložiti univerziteti/sveučilišta s područja Federacije Bosne i Hercegovine.

IV.

Sredstva iz tačke I. ove Odluke dodijelit će se iz sredstava utvrđenih u razdjelu 54. pozicija „Transfer za financiranje studentskog standarda“ ekonomski kod 614100 Proračuna Federacije Bosne i Hercegovine za 2015. godinu, označenih u Odluci o usvajanju Programu utroška sredstava s kriterijima raspodjele sredstava tekućih transfera pod tačkom I. stav 3. „Transfer za financiranje studentskog standarda“, redni broj 2. „Prošireni studentski standard, podprogram 2.2. „Podrška najboljim studentima državljanima Bosne i Hercegovine“, koji studiraju na javnim visokoškolskim ustanovama u Federaciji BiH“.

V.

Za provođenje Javnog poziva upućenog javnim univerzitetima i fakultetima iz tačke I ove Odluke, te izradu prijedloga za dodjelu sredstava, zadužuje se Komisija za dodjelu podrške u oblasti proširenog studentskog standarda *imenovana Rješenjem federalne ministricе obrazovanja i nauke broj: 09-34-10-2364/15 od 08. 06. 2015. godine.*
Sačinjeni prijedlog Komisija će uputiti Stručnom kolegiju i ministrici na usvajanje.

VI.

Broj odobrenih stipendija/nagrada talentiranim studentima će biti uvjetovan visinom raspoloživih sredstava i proporcionalan broju studenata koji studiraju na univerzitetu koji aplicira na poziv.

VII.

Uz navedeno, u tekstu Obavještenja o provođenju postupka bit će definirani kriteriji za dodjelu stipendija i druga pitanja neophodna za provođenje istog.

VIII.

Obavještenje o provođenju postupka kandidiranja biti će objavljeno na službenoj internet stranici Ministarstva.

IX.

Ova odluka stupa na snagu danom donošenja.

